



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁ

ք. Երևան

16.08.2018թ.

Ո Ր Ո Շ ՈՒ Մ

**ՀՀ գնումների հետ կապված բողոքներ քննող անձի
թիվ ՍՑ-ԱՄ-2018/111**

Հայաստանի Հանրապետության գնումների հետ կապված բողոքներ քննող անձ Մհեր Անանյանս, ուսումնասիրելով Հայաստանի Հանրապետության ֆինանսների նախարարության 18.07.2018թ. թիվ 03/26-3/13088-18 գրությամբ «ՄԵԳԱ-ՊԵՅՊԵՐ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը, պարզեցի հետևյալը.

1. ՀՀ ֆինանսների նախարարության ներկայացրած փաստերը և պահանջը.

ՀՀ ֆինանսների նախարարությունը, ՀՀ ԿԱ քաղաքաշինության պետական կոմիտեի 17.07.2018թ. թիվ 02633415 գրության հիման վրա, 18.07.2018թ. թիվ 03/26-3/13088-18 գրությամբ դիմել է ՀՀ գնումների հետ կապված բողոքներ քննող անձին, խնդրելով նախաձեռնել «ՄԵԳԱ-ՊԵՅՊԵՐ» ՍՊԸ-ին (այսուհետ՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

2. «ՄԵԳԱ-ՊԵՅՊԵՐ» ՍՊԸ-ի ներկայացրած փաստարկները և դիրքորոշումը.

«ՄԵԳԱ-ՊԵՅՊԵՐ» ՍՊԸ-ն, պատշաճ ծանուցված լինելով ՍՅ-ԱՄ-2018/111 ընթացակարգի շրջանակներում 20.07.2018թ. ժամը 10:50-ին և 26.07.2018թ. ժամը 10:30-ին հրավիրված նիստերի վերաբերյալ, 26.07.2018թ. ժամը 10:30-ի նիստին ապահովել է իր ներկայացուցչի մասնակցությունը, ով հայտնել է, որ տեղի է ունեցել թյուրիմացություն և Ընկերության աշխատողի անփորձ լինելու պատճառով չեն նկատել պայմանագրերը և չեն ուղարկել: Միննույն ժամանակ Ընկերության տնօրենը հայտնել է, որ ամենայն հավանականությամբ Ընկերության աշխատողի կողմից պայմանագրերը ուղարկվել են, սակայն պատվիրատուն դրանք չի ստացել և խնդրել է տրամադրել ժամանակ համապատասխան ապացույցներ ներկայացնելու համար:

«Չ գնումների հետ կապված բողոքներ քննող անձի սույն որոշումը կայացվելու օրվա դրությամբ Ընկերության կողմից որևէ ապացույց չի ներկայացվել: .

3. «ՎԱ քաղաքաշինության պետական կոմիտեի փաստարկները և դիրքորոշումը.

«ՎԱ քաղաքաշինության պետական կոմիտեն, «Ֆինանսների նախարարությանն ուղղված 17.07.2018թ. թիվ 02633415 գրությամբ հայտնել է, որ «ՎԱ քաղաքաշինության պետական կոմիտեի (այսուհետ՝ Պատվիրատու) կարիքների համար 16.05.2018թ. կազմակերպված «ՀՀՔՊԿ-ԳՀԱՊԶԲ-18/13» ծածկագրով գրենական պիտույքների և գրասենյակային նյութերի ձեռքբերման գնման ընթացակարգի 6-րդ չափաբաժնում ընտրված մասնակից է ճանաչվել «ՄԵԳԱ-ՊԵՅՊԵՐ» ՍՊԸ-ն, որին ներկայացվել է պայմանագիր կնքելու առաջարկ: Ընկերության կողմից սահմանված ժամկետում պատվիրատուին չի ներկայացվել միակողմանի հաստատված պայմանագիր:

«Գնումների մասին» ՀՀ օրենքի 36-րդ հոդվածի 3-րդ մասի համաձայն՝ Ընկերությունը զրկվել է պայմանագիր ստորագրելու իրավունքից:

Պատվիրատուն, պատշաճ ծանուցված լինելով ՍՅ-ԱՄ-2018/111 ընթացակարգի շրջանակներում 20.07.2018թ. ժամը 10:50-ին և 26.07.2018թ. ժամը 10:30-ին հրավիրված նիստերի վերաբերյալ, չի ապահովել իր ներկայացուցչի մասնակցությունը:

4. ՍՅ-ԱՄ-2018/111 ընթացակարգի քննության համար էական նշանակություն ունեցող փաստերը.

ՍՅ-ԱՄ-2018/111 ընթացակարգի քննության համար էական նշանակություն ունեն հետևյալ փաստերը՝

1. ՀՀ ԿԱ քաղաքաշինության պետական կոմիտեի կողմից ՀՀ ԿԱ քաղաքաշինության պետական կոմիտեի կարիքների համար գրենական պիտույքների և գրասենյակային նյութերի ձեռքբերման նպատակով կազմակերպվել է «ՀՀ ԲՊԿ-ԳՀԱՊՁԲ-18/13» ծածկագրով գնանշման հարցման ընթացակարգ (այսուհետ՝ Ընթացակարգ), որին մասնակցելու նպատակով ի թիվս այլ մասնակիցների հայտ է ներկայացրել «ՄԵԳԱ-ՊԵՅՊԵՐ» ՍՊԸ-ն:

2. Ընթացակարգի գնահատող հանձնաժողովի 14.06.2018թ. ժամը 11:30-ի նիստի թիվ 3 արձանագրության 3.1 կետով կայացված որոշմամբ «ՄԵԳԱ-ՊԵՅՊԵՐ» ՍՊԸ-ն Ընթացակարգի 6-րդ չափաբաժնի մասով ճանաչվել է ընտրված մասնակից և որոշվել է Ընկերությունը ներկայացնել պայմանագիր կնքելու առաջարկ:

3. Ընթացակարգի գնահատող հանձնաժողովի 11.07.2018թ. ժամը 11:30-ի նիստի թիվ 4-1 արձանագրության 1-ին կետով արձանագրվել է, որ «ՄԵԳԱ-ՊԵՅՊԵՐ» ՍՊԸ-ն զրկվում է պայմանագիրը կնքելու իրավունքից, քանի որ Ընկերությունը սահմանված ժամկետում Պատվիրատուին չի ներկայացրել միակողմանի հաստատված պայմանագիրը:

5. ՀՀ գնումների հետ կապված բողոքներ քննող անձի հիմնավորումները և եզրահանգումը.

ՀՀ գնումների հետ կապված բողոքներ քննող անձ՝ Միեր Անանյանս, ուսումնասիրելով ՀՀ ֆինանսների նախարարության 18.07.2018թ. թիվ 03/26-3/13088-18 գրությունը, ՀՀ ԿԱ

քաղաքաշինության պետական կոմիտեի 17.07.2018թ. թիվ 02633415 գրությունը և կից փաստաթղթերը, հայտնում եմ հետևյալը.

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ բացառությամբ նույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 6-րդ հոդվածի 2-րդ մասը սահմանում է, որ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված բողոքներ քննող մարմնում՝ առանց վճարի: Տվյալ մասնակցի կարծիքը լսելուց հետո գնումների հետ կապված բողոքներ քննող անձը սույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին սույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Օրենքի 6-րդ հոդվածի 2-րդ մասը սահմանում է, որ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված բողոքներ քննող մարմնում՝ առանց վճարի: Տվյալ մասնակցի կարծիքը լսելուց հետո գնումների հետ կապված բողոքներ քննող անձը սույն օրենքի 50-րդ հոդվածի 6-րդ

մասով սահմանված ժամկետում որոշում է կայացնում մասնակցին սույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Օրենքի 35-րդ հոդվածի 1-ին մասի համաձայն՝ պայմանագրի ապահովում ներկայացնելու պահանջի հիման վրա այն ստանալու օրվանից 10 աշխատանքային օրվա ընթացքում ընտրված մասնակիցը պարտավոր է ներկայացնել պայմանագրի ապահովում: Ընտրված մասնակցի հետ պայմանագիր կնքվում է, եթե վերջինս ներկայացնում է պայմանագրի ապահովում:

Օրենքի 36-րդ հոդվածի համաձայն՝

1. Պայմանագիր կնքվում է գնահատող հանձնաժողովի որոշման հիման վրա՝ պատվիրատուի կողմից:

2. Սույն օրենքի 10-րդ հոդվածով սահմանված անգործության ժամկետը լրանալուն հաջորդող չորս աշխատանքային օրվա ընթացքում պատվիրատուն ծանուցում է ընտրված մասնակցին՝ ներկայացնելով պայմանագիր կնքելու առաջարկը և պայմանագրի նախագիծը: Ընդ որում, պայմանագիրը կարող է կնքվել ոչ շուտ, քան սույն օրենքի 10-րդ հոդվածով սահմանված անգործության ժամկետը լրանալու օրվան հաջորդող երկրորդ աշխատանքային օրը:

3. Եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին ներկայացնում պայմանագրի ապահովումը, ապա նա զրկվում է պայմանագիրն ստորագրելու իրավունքից: Պայմանագրով կանխավճար նախատեսվելու դեպքում սույն կետով նախատեսված ժամկետը սահմանվում է 15 աշխատանքային օր:

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 32-րդ կետի 13-րդ և 14-րդ ենթակետերի համաձայն՝

13) ընտրված մասնակցին պայմանագիր կնքելու առաջարկը և կնքվելիք պայմանագրի նախագիծը հանձնաժողովի քարտուղարը տրամադրում է էլեկտրոնային եղանակով:

Ապրանքների գնման դեպքում պայմանագրի նախագծում ներառվում է ընտրված մասնակցի կողմից հայտով ներկայացված ապրանքի ամբողջական նկարագիրը.

14) ընտրված մասնակցի կողմից հաստատված պայմանագրի նախագիծը պատվիրատուին ներկայացվում է գրավոր, և դա ներկայացնելու գրությունը հաշվառվում է պատվիրատուի փաստաթղթաշրջանառության համակարգում: Պատվիրատուի ղեկավարի կողմից պայմանագրի նախագիծը հաստատվում է այդ իրավասության առաջացմանը հաջորդող երկու աշխատանքային օրվա ընթացքում:

ՀՀ ԿԱ քաղաքաշինության պետական կոմիտեի կողմից ՀՀ ԿԱ քաղաքաշինության պետական կոմիտեի կարիքների համար գրենական պիտույքների և գրասենյակային նյութերի ձեռքբերման նպատակով կազմակերպվել է «ՀՀՔՊԿ-ԳՀԱՊՁԲ-18/13» ծածկագրով գնանշման հարցման ընթացակարգ, որին մասնակցելու նպատակով ի թիվս այլ մասնակիցների հայտ է ներկայացրել «ՄԵԳԱ-ՊԵՅՊԵՐ» ՍՊԸ-ն:

Ընթացակարգի գնահատող հանձնաժողովի 14.06.2018թ. ժամը 11:30-ի նիստի թիվ 3 արձանագրության 3.1 կետով կայացված որոշմամբ «ՄԵԳԱ-ՊԵՅՊԵՐ» ՍՊԸ-ն Ընթացակարգի 6-րդ չափաբաժնի մասով ճանաչվել է ընտրված մասնակից և որոշվել է Ընկերությանը ներկայացնել պայմանագիր կնքելու առաջարկ:

Պատվիրատուն 25.06.2018թ. էլեկտրոնային եղանակով ծանուցել է «ՄԵԳԱ-ՊԵՅՊԵՐ» ՍՊԸ-ին՝ ներկայացնելով պայմանագիր կնքելու առաջարկը և պայմանագրի նախագիծը:

Ընթացակարգի գնահատող հանձնաժողովի 11.07.2018թ. ժամը 11:30-ի նիստի թիվ 4-1 արձանագրության 1-ին կետով արձանագրվել է, որ «ՄԵԳԱ-ՊԵՅՊԵՐ» ՍՊԸ-ն զրկվում է պայմանագիրը կնքելու իրավունքից, քանի որ Ընկերությունը սահմանված ժամկետում Պատվիրատուին չի ներկայացրել միակողմանի հաստատված պայմանագիրը:

Այսպես՝ «Գնումների մասին» ՀՀ օրենքի 36-րդ հոդվածի հոդվածի 3-րդ մասի համաձայն՝ **եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին ներկայացնում պայմանագրի ապահովումը, ապա նա զրկվում է պայմանագիրն ստորագրելու իրավունքից:**

«ՀՀՔՊԿ-ԳՀԱՊՁԲ-18/13» ծածկագրով պայմանագրի նախագիծը Ընկերությանն ուղարկվել է **25.06.2018թ.:**

«Նորմատիվ իրավական ակտերի մասին» ՀՀ օրենքի 31-րդ հոդվածի 2-րդ մասի համաձայն՝ տարիներով, ամիսներով կամ օրերով հաշվարկվող ժամկետների ընթացքն սկսվում է այն օրացուցային տարվա, ամսվա, ամսաթվի կամ վրա հասած իրադարձությանը հաջորդ օրվանից, որով որոշված է դրա ժամկետի սկիզբը:

Տվյալ դեպքում պայմանագիրը ստորագրելու և պայմանագրի ապահովում ներկայացնելու վերջնաժամկետը տասն աշխատանքային օրվա պայմաններում լրանում է **10.07.2018թ. ներառյալ:**

Այսպիսով՝ Օրենքի 35-րդ հոդվածի 1-ին մասի համաձայն՝ պայմանագրի ապահովում ներկայացնելու պահանջի հիման վրա այն ստանալու օրվանից 10 աշխատանքային օրվա ընթացքում ընտրված մասնակիցը պարտավոր է ներկայացնել պայմանագրի ապահովում, իսկ 36-րդ հոդվածի 3-րդ մասը սահմանում է, որ եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին ներկայացնում պայմանագրի ապահովումը, ապա նա զրկվում է պայմանագիրն ստորագրելու իրավունքից:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե որպես ընտրված մասնակից հրաժարվել է պայմանագիր կնքելուց:

Այսպիսով՝ արձանագրում եմ, որ «ՄԵԳԱ-ՊԵՅՊԵՐ» ՍՊԸ-ն թույլ է տվել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «բ» ենթակետի խախտում, քանի որ Ընկերությունը որպես ընտրված մասնակից սահմանված ժամկետում չի ստորագրել պայմանագիրը և պատվիրատուին չի ներկայացրել պայմանագրի ապահովումը, դրանով իսկ հրաժարվելով «ՀՀՔՊԿ-ԳՀԱՊՁԲ-18/13» ծածկագրով ընթացակարգի արդյունքում պայմանագիր կնքելուց:

Օրենքի 6-րդ հոդվածի 2-րդ մասի համաձայն՝ անձը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է երկու տարի ժամկետով:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 2-րդ կետով՝

Ո Ր Ո Շ Ե Ց Ի

Հայաստանի Հանրապետության ֆինանսների նախարարության 18.07.2018թ. թիվ 03/26-3/13088-18 գրությամբ «ՄԵԳԱ-ՊԵՅՊԵՐ» ՍՊԸ-ին (ՀՎՀՀ՝ 02633415) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը բավարարել և «ՄԵԳԱ-ՊԵՅՊԵՐ» ՍՊԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների հետ կապված բողոքներ քննող անձի որոշումն ուժի մեջ մտնելու օրվանից հաշված երկու տարի ժամկետով:

ՀՀ գնումների հետ կապված բողոքներ քննող անձի որոշումն իրավապարտադիր է:

ՀՀ գնումների հետ կապված բողոքներ քննող անձի որոշումը կարող է բողոքարկվել դատական կարգով:

**Գնումների հետ կապված
բողոքներ քննող անձ՝**



ՄԿԵՐ ԱՆԱՆՅԱՆ